

GJYKATA THEMELORE NË FERIZAJ, Departamenti i Përgjithshëm-Divizioni Civil, me gjyqtarin Ardian Ajvazi, në çështjen juridike, sipas padisë së paditëses [REDACTED] [REDACTED] Ferizaj, të cilën me autorizim e përfaqëson [REDACTED] nga Ferizaj, kundër të paditurit [REDACTED] nga Ferizaj Rr. [REDACTED], për shkak të pagimit të borxhit për shfrytëzimin e energjisë elektrike, me datë 24.06.2016, merr këtë:

A K T G J Y K I M

I. APROVOHET në tërësi si e bazuar kërkesëpadia e paditëses [REDACTED] [REDACTED] Ferizaj dhe DETYROHET i padituri [REDACTED] nga Ferizaj Rr. [REDACTED] që në emër të shpenzimit të energjisë elektrike t'ia paguaj paditëses shumën prej 4,225.41 Euro, në afat prej 15 ditësh pas pranimit të këtij Aktgjykimi, nën kërcënimin e përmbarimit me dhunë.

II. Secila palë i bartë shpenzimet e veta procedurale.

A r s y e t i m i

Paditësja përmes të autorizuarit të saj ka parashtruar padi me datë 05.12.2013, kundër të paditurit, për shkak të pagimit të borxhit për shpenzimin e energjisë elektrike.

I autorizuari fillimisht i propozojë Gjykatës që seanca të mbahet për arsye se i padituri është ftuar me rregull dhe mungesën nuk e ka arsyetuar, më tutje deklaroi se i padituri është shfrytëzues i energjisë elektrike dhe se i njejtë evidentohet sipas shifrës [REDACTED]. I padituri e ka shpenzuar energjinë elektrike dhe borxhin nuk e ka paguar, ashtu që kompanisë [REDACTED], i padituri i ka borxh shumën prej 4,225.41 Euro duke filluar nga data 03.02.2013 e deri sot. I propozojë Gjykatës t'a aprovonë në tërësi kërkesëpadinë e paditëses në shumën e më lartë cekur.

Gjykata me qëllim të vërtetimit të drejtë të gjendjes së fakteve të çështjes, për aq sa palët ndërgjyqjese përmbushin detyrimin e tyre për t'i parashtruar ato, në kuptim të nenit 7.1 të LPK-së, Gjykata në seancën e datës 24.06.2016 ka adminstruar Faturën [REDACTED] të datës 31.10.2013 dhe transaksioni i konsumatorit i datës 24.06.2016.

Gjykata pas vlerësimit të pohimeve të palëve dhe provave të lartë cekura, në kuptim të nenit 8 të LPK-së, me kujdes dhe me ndërgjegje ka çmuar çdo provë veç e veç dhe të gjitha ato së bashku dhe ka gjetur se padia e paditëses është në tërësi e bazuar.

Pas vlerësimit dhe administrimit të provave dhe pohimeve të palëve ndërgjygjëse Gjykata ka vërtetuar këtë gjendje faktike:

-Se i padituri është shfrytëzues dhe shpenzues i energjisë elektrike; se nga data 03.02.2013 e deri në ditën e shqyrtimit i padituri i ka borxh paditëses shumën prej 4,225.41 Euro, këtë Gjykata e vërtetoi gjatë administrimit të provave, përkatësisht nga transaksioni i konsumatorit.

Palët në marrëdhënje detyrimore kanë për detyrë të sillen më korrektësi ndaj njeri tjetrit dhe mos ti shkakojnë dëm, ky është një parim shumë i rëndësishëm i marrëdhënjeve detyrimore i paraparë në nenin 12 të LMD-së të vitit 1978, “*në themelimin e marrëdhënjeve të detyrimeve dhe në realizimin e të drejtave dhe detyrimeve nga këto marrëdhënie, pjesëmarrësit kanë për detyrë t’i përmbahen parimit të ndërgjegjmerisë dhe ndërshtërësisë*”. Është detyrim i të paditurit për përmbushjen e detyrimit për shërbimin e marrur nga KEK, për çdo mallë, apo shërbim të marrë në të njëjtën kohë lindë edhe detyrimi pagesës së kundërvlerës, kjo parashihet edhe në nenin 17 të LMD-së paragrafi 1 “*Pjesëmarrësit e marrëdhënies së detyrimit kanë për detyrë ta zbatojnë detyrimin e vet dhe janë përgjegjës për përmbushjen e tij, përgjegjës për përmbushjen e tij dhe paragrafi 2 Detyrimi mund të shuhet vetëm me pajtimin e vullneteve në marrëdhënien e detyrimit ose në bazë të ligjit*”, pra energjia elektrike konsiderohet si mallë, si çdo mallë tjetër.

Andaj nga të theksuara e më lartë është vendosur si në dispozitiv të këtij Aktgjykimi, duke u bazuar në nenin 305 të Ligjit mbi Marrëdhëniet Detyrimore të vitit 1978 dhe nenin 143 të Ligjit për Procedurës Kontestimore.

REPUBLIKA E KOSOVËS  GJYKATA THEMELORE NE FERIZAJ
C.nr.862/13, me datë 24.06.2016

VENDIMI ËSHTË I PLOTFUQISHËM
ODLUKA JE PRAVNOSNAŽNA
GJYKATA THEMELORE / OSNOVNI SUD
FERIZAJ / LJUROSEVAC

21. 08 2016



 Gjyqtari,
Ardian Ajvazi


Këshilla Juridike: Kundër këtij Aktgjykimi është e lejuar ankesa në afat prej 15 ditësh, nga dita e nesërme pas pranimit të kopjes së tij, në Gjykatën e Apelit të Kosovës në Prishtinë, e të dorëzohet përmes kësaj Gjykate.